



BORE KYRKJE
SETT - FAMNA - UTFORDRA

Protokoll frå møte i Bore sokneråd Tysdag 11. juni 2019

Møtestad: Bore kyrjekontor

Frå saksnummer: 39/19

Til saksnummer: 49/19

Av soknerådet sine medlemmar/ varamedlemmar møtte:

Nicolai Homme (leiar)

Arvid Kaspersen (nestleiar)

Kjersti M. Berge

Jens Kåre Stokka

Hans Voll

Dagfinn Steinnes (varamedlem)

Borghild Friestad (varamedlem)

Ivan Fjeld, sokneprest

Andre:

Elin Anita Garpestad, dagleg leiar

Meldt forfall:

Marit Høie er i permisjon.

Me stadfestar med underskriftene våre at det som er ført i protokollen er i samsvar med det som vart vedteke på møte.

Me starta soknerådsmøtet med å nytte god tid til mat, opning og bøn.

Innkalling til møte i Bore sokneråd 11. juni vart godkjend.

Protokoll frå møte i Bore Sokneråd 14. mai vart godkjend.

SAK 39/19**Samtale om arbeidet****Drøfting**

Alphakurs kan rekruttera folk til nye til husfellesskapsgrupper og det er ønskjeleg. Det er viktig at eit nytt kurs vert fundamentert i menigheten og at Ivan får med seg fleire frivillige i undervisning og gjennomføring. Det er svært nødvendig at eit nytt kurs rettar seg mot dei unge i menigheten, gjerne i samråd med enkelte husfellesskap.

Forslag til vedtak

Bore sokneråd ønskjer eit nytt Alphakurs i Bore menighet våren 2020.

Vedtak

Bore sokneråd ønskjer eit nytt Alphakurs i Bore menighet våren 2020. Førespurnad om interesse vil bli gjort i nokre husfellesskapsgrupper og sak blir teken opp att i septembermøtet.

SAK 40/19**Saker til/frå fellesrådet****Drøfting**

Det er ønskjeleg at referata frå fellesrådet går ut til sokna. Dette vil gå via dagleg leiar. Møtedatoar mellom dei fire sokna og fellesrådet er ikkje lette å koordinera.

Forslag til vedtak

Soknerådet drøftar og gjer vedtak i møtet.

Vedtak

Referata frå fellesrådet vil gå ut til soknerådsmedlemmane med utheving av det som gjeld soknet vårt. Bore sine medlemmar i fellesrådet samhandlar med dagleg leiar.

SAK 41/19**Organiststillinga****Drøfting**

Dagleg leiar gjorde greie for prosessen omkring intervju og orienterte om innstillinga.

Forslag til vedtak

Soknerådet drøftar og gjer vedtak i møtet.

Vedtak

Soknerådet er nøgd med prosessen og stiller seg bak innstillinga. Dersom det blir ei uavklaring i tilsetjing, vil soknet drøfta saka før fellesrådet tek si avgjer.

SAK 42/19**Samling hos prosten****Drøfting**

Kjekt å vera hos prosten. Forskjellige utfordringar og gleder i dei ulike menighetane. Bore fekk formidla at det er kjekt å kunne arbeida med forskjellige forsamlingar i bygda. Andre er ikkje så heldige. Utfordringa vår er heilt klart at me ikkje har plass til å husa alle aktivitetane me har.

Forslag til vedtak

Soknerådet tek saka til orientering.

Vedtak

Soknerådet tek saka til orientering.

SAK 43/19**Samtale med grupper av frivillige****Drøfting****Forslag til vedtak**

Soknerådet seier seg nøgd med måten frivilligsamlingane vert gjennomført på og ønskjer at dette skal omfatta flest mogleg frivillige i Bore menighet.

Vedtak

Soknerådet seier seg nøgd med måten frivilligsamlingane vert gjennomført på og ønskjer at dette skal omfatta flest mogleg frivillige i Bore menighet.

SAK 44/19**Status weekendkomité****Drøfting**

Det er nå 7 stk i weekendkomitéen, inkludert Ivan. Tema er sett og fokus er å få med alle generasjonar. Det vil vera eit særskilt ønske om å få med «dei over 50» som ikkje er småbarnsfamiliar lenger.

Forslag til vedtak

Soknerådet er glad for at weekendkomitéen er i gang med arbeidet.

Vedtak

Soknerådet er glad for at weekendkomitéen er i gang med arbeidet

SAK 45/19**Soknerådsvalet informasjon/status****Drøfting****Forslag til vedtak**

Soknerådet seier seg nøgd med orientering om plan for gjennomføring av valet.

Vedtak

Soknerådet seier seg nøgd med orientering om plan for gjennomføring av valet.

SAK 46/19 Bilete i Bore – skjermlysing i kyrkja

Drøfting Atea måtte melda forfall og saka vert utsett til augustmøtet.

Forslag til vedtak Soknerådet drøftar og gjer vedtak i møtet.

Vedtak Saka er utsett til augustmøtet.

SAK 47/19 Endring av offer 2. juni

Drøfting

Forslag til vedtak Offeret 2. juni blir endra frå kyrkjelydsarbeidet til gåve til bønnehuset i Nazareth.

Vedtak Offeret 2. juni blir endra frå kyrkjelydsarbeidet til gåve til bønnehuset i Nazareth

SAK 48/19 Evaluering 2. juni – besøk frå Nazareth

Drøfting Soknerådet tok seg god tid til samtale omkring besøket av Rania Sayegh. Besøket gjorde inntrykk på alle og det kom fram forskjellige opplevingar:

- Godt å kjenna på full fridom i tilbeding og bønn.
 - Løfte om vekkelse knytta til det å stå saman i bøn.
 - Mykje folk frå ulike menigheter i området vårt.
 - Flott musikk og usedvanleg flott salmesong, avgjerande med forsongarar.
 - Talane hennar var for mange ei god oppleving. God oversetjing.
 - Fint at medlemmane i forbønstenesta var virksame. Mange gjekk til forbøn og salving.
 - Det virkar som gudstenesta traff menigheten godt.
 - Nyttig og inspirerande å invitera gjestetalarar.
 - Bibelfers til Bore menighet frå Rania: Matt.16. 18-19.(Fin bekreftelse av Botes sin profeti – «røst, ikkje ekko»)
-
- Gudstenesta vart ikkje heilt som tenkt når konseptet «forbønsgudsteneste» vart skapt.
 - Mykje fokus på eigne aktivitetar og innsats, Guds allmakt og helbredande kraft vart ikkje tilstrekkeleg løfta opp.
 - Uvant form og innhald, ulikt det me er vane med.
 - Forkynninga peika ikkje nok mot forbønstilbodet.

Forslag til vedtak

Soknerådet drøftar og gjer vedtak i møtet.

Vedtak

- Soknerådet hadde ei god gjennomgang av besøket av Rania.. Det blir viktig for oss framover å ha menighetsbyggande aspekt ved invitasjon av gjestetalarar. Ny forbønsgudsteneste kan bli sett opp neste vår med større fokus på helbredelse, også i forkynninga.

SAK 49/19**ORIENTERINGSSAKER****Drøfting**

Orienteringssakene blei lagt fram.

Forslag til vedtak**Vedtak**

Soknerådet tar saka til orientering

EVENTUELT

Nasjonalt Bønneråd skal ha ei årleg helgesamling i vårt distrikt. Det har ikkje lukkast dei å finna lokalar. Bore sokneråd gir dei løyve til å leia kyrkjestova laurdag 7. september om dagen og kyrkja om kvelden. Leigetakar kontaktar fellesrådet (Klepp kyrkjekontor) for det praktiske.

Bore sokneråd har hatt ønskje om å arrangera samlivskurs. Fokus menighet på Klepp skal gå i gang med kurs til hausten og Bore sokneråd vil oppmoda våre medlemmar om å melda seg på der.

Roy Godwin kjem til Noreg i oktober. Det er planar om at han kan starta sin turné hos oss i Bore kyrkje, 11. oktober.